

ЯНГИЛАНИШЛАРГА СЕЗГИРЛИК

Ўзбекистон «Адолат» СДП Каттақўрғон туман Кенгашининг депутатлар корпуси ва жамоат ташкилотлари билан ҳамкорлиги ижобий самара бермоқда



Бирлашган Миллатлар Ташкилоти 2010 йилги "Хавфсизлик ва ҳимоя йили" деб эълон қилганидан хабарингиз бўлса керак. БМТ шу тарика табиати муҳофаз қилишга ва сайёрамиз табиатдан оқулна фойдаланишга, унинг қимматҳо иншоотларини ҳимоя қилиш ҳамда табиат экотизимини сақлаб қолишда кучларни бирлаштиришга чорламоқда.

АСРАШ БУРЧИМИЗ



ЭЪТИБОР ВА ГАМХЎРЛИК ИФОДАСИ

Ватан ҳимоячилари куни арафасида мамлакатимизнинг турли ҳудудларида юртимиз тинчлиги, сарҳадларимиз дахлсизлиги йўлида фидокорона хизмат қилаётган ҳарбий хизматчилар учун барпо этилган уй-жойларнинг фойдаланишга топширилаётгани уларга бўлган юксак эътибор ва гамхўрлик ифодасидир.



ADO LAT

Inson manfaatlari — oliy qadriyat

№ 2 (759) 2010 йил, 15 январь, жума

O'zbekiston «ADOLAT» SOTSIAL-DEMOKRATIK PARTIYASI

Ижтимоий-сиёсий газета

1995 йил 22 февралдан чиқа бошлаган

ВАТАН ҲИМОЯЧИЛАРИГА БАЙРАМ ТАБРИГИ

Кадрли Ватан ҳимоячилари — аскар ва сержантлар, офицер ва генераллар, Куролли Кучларимиз фахрийлари!

Сизларни, Ватан ҳимоячиси деган олижаноб ишга ўзини бағишлаган барча юртошларимизни мамлакатимиз ҳаётидаги қутлуг сана — Ватан ҳимоячилари куни ва Куролли Кучларимизнинг ўн саккиз йиллиги билан чин қалбимдан самимий муборакбод этиш менга катта мамнуният бағишлайди.

Кейинги йилларда Ўзбекистонда замонавий талаб ва стандартларга жавоб берадиган, юртимиз мустақиллиги, унинг хавфсизлиги ва ҳудудий яхлитлигининг ишончли кафолати бўлган Куролли Кучларни барпо этиш ва миллий армиямизни шакллантириш борасида ўзининг моҳияти ва кўламига кўра том маънода улкан ишлар амалга оширилди.

Мамлакатимиз хавфсизлигига таҳдид солиши мумкин бўлган ва келиб чиқаётган хавф-хатарларни ҳар томонлама таҳлил этиш асосида армиямизни ислоҳ қилишнинг узоқ муддатли дастури ишлаб чиқилди ва амалга оширилмоқда.

Ушбу дастурга мувофиқ, Мудофаа вазирлигининг бўлими ва қисмларини, чегара қўшинларини, бошқа вазирлик ва идораларнинг ҳарбий тузилмаларини ягона қудратли тизимга бирлаштирган Куролли Кучларимиз қисмларининг таркиби ва жойлашуви қайта қўриб чиқилди.

Куролли Кучларимиз ва уларнинг асосий жанговар бўлимларининг принципал жиҳатдан мулкка янги ташкилий-таркибий тузилмаси жорий этилди, бошқарув ва тузилмаларнинг бир-бирини тақдорлайдиган, кам самарали бўлинлари тугатилди. Бу ўз навбатида мазкур бошқарув ва тузилмаларнинг ҳаракатчанлиги, тезкорлиги ва жанговар қобилиятини ошириш имконини берди.

Мамлакатимиз ҳудудига суқилиб қирадиган ҳар қандай тажовузкор босқинчиға қарши қатъий зарба беришга қодир бўлган Махсус операцияларни амалга оширадиган кучлар, Террорчиликка қарши курашиш корпуси бўлиналари ва бошқа замонавий жанговар бўлиналар ташкил этилди ва уларнинг фаолиятини кучайтириш давом эттирилмоқда.

Муддатли ҳарбий хизматнинг бир йил этиб белгилангани, муддатли ҳарбий хизматга қақуриувнинг бир йилда бир марта ташкил этилаётгани, қўшинларда шартнома асосида хизмат қилаётган сержантлар таркибининг сезиларли даражада кенгайгани, сафарбарлик-қақуриув резерв хизматининг жорий этилгани армиямизнинг қийфасини, унинг мазмуноҳияти ва жанговар имкониятларини, ҳарбий жамоалардаги маънавий-ахлоқий муҳитни принципал жиҳатдан тубдан ўзгартирди.

Шу йилдан бомайнда ҳарбий-техник ҳамкорликни ривожлантириш, қўшинларни замонавий қурол-яроғ турлари билан қуроллантириш борасида салмоқли ишлар амалга оширилди. Ҳарбий хизматчиларни улай-жой билан таъминлаш, уларга малакали тиббий хизмат кўрсатиш, пул таъминотини ошириш, шунингдек, муддатли ҳарбий хизматни ўтаган шахсларни рағбатлантиришга қаратилган аниқ мақсадли, комплекс дастурларнинг ишчил ижро этилиши ҳарбий хизматчилар ва уларни оила аъзоларининг моддий, ижтимоий-маиший шaroитларини сезиларли равишда яхшилаш имконини берди.

Шу давр ичида амалга оширилган ишларни баҳолаб эканмиз, бугунги кунда Ўзбекистон амалда ўзининг замонавий, ихчам ва ҳаракатчан, яхши қуролланган, мамлакатимиз барқарорлиги ва хавфсизлигини, сарҳадларимиз дахлсизлигини, халқимизнинг тинч ва осойишта ҳаётини ишончли ҳимоя қилишга қодир бўлган миллий армиясига эга, деб айтиш учун барча асосларимиз бор.

Шу билан бирга, минтақамиз ва бутун жаҳондаги мураккаб, тез ўзгараётган

ган ҳарбий-сиёсий вазият, биринчи навбатда, Афғонистондаги тобора кескинлашиб бораётган аҳвол билан боғлиқ тарзда хавфсизликка қарши реал ва эҳтимол тутилаётган хавф-хатарларнинг кучайиб, нарқоагрессия, халқаро терроризм, экстремизм ва бошқа таҳдидларнинг миқёси кенгайиб бораётгани Куролли Кучларимизнинг жанговар тайёргарлигини ҳар томонлама мустаҳкамлаш, давлат чегараларимизни ҳимоя қилиш ва қўриқлаш чораларини янада кучайтиришни талаб этмоқда.

Куролли Кучларимиз олдиға қўйилган вазифаларни амалга ошириш масаласи биздан Ватанимизнинг хавфсизлиги ва барқарорлигини таъминлаш билан боғлиқ бўлган ва тобора кучайиб бораётган ана шундай талабларни ҳисобға олган ҳолда, армиямизни модернизация ва ислоҳ қилиш, унинг салоҳияти ва жанговар тайёргарлигини мустаҳкамлаш бўйича қабул қилинган стратегия ҳамда устувор йўналишларни бажариш юзасидан бошлаган ишларимизни янада чуқурлаштиришни тақозо этади.

Шу мақсадда қуйидаги вазифаларни амалга ошириш зарур, деб ҳисоблайман:

**Биринчи.** Куролли Кучларимиз қисмларининг сафарбарликка доимий равишда тайёрлиги ва ҳаракатчанлигини, уларнинг юз бериши мумкин бўлган турли таҳдид ва хавф-хатарларни, чегараларимиз дахлсизлиги, фуқароларимизнинг тинч-осойишта меҳнати ва ҳаётини бузишга қаратилган ҳар қандай ёвуз уришилари ўз вақтида ва самарали бартараф этиш қобилиятини таъминлаш даркор.

**Иккинчи.** Куролли Кучларимизнинг қисм ва бўлиналарини энг янги қурол-яроғ ва жанговар техника билан қайта жиҳозлаш, замонавий воситалар билан таъминлаш бўйича қўйилган вазифаларни амалга оширишни жадаллаштириш муҳим принципал аҳамият касб этади.

Шу муносабат билан хорижий ҳамкор давлатлар билан халқаро ҳарбий-техник ҳамкорликни янги поғонаға кўтариш ва кўламини кенгайтириш, 2010-2015 йилларға мўлжалланган комплекс чора-тадбирлар дастурини тайёрлаш ва амалга ошириш зарур.

Қўшинларнинг вазод-батальондан тортиб ҳарбий округларғача бўлган юксак даражадаги жанговар қобилиятини таъминлашға қаратилган ўқув-жанговар тайёргарлик ишларини тубдан яхшилашға алоҳида эътибор қаратиш зарур. Жанговар операцияларни амалга оширишнинг тактикаси ва усуллари мунтазам равишда ўзгартириб, энг янги қурол-яроғ ва ҳарбий техника тобора мураккаблашиб бораётган ҳозирги шaroитда шахсий таркибининг индивидуал ва гуруҳ шаклидаги жанговар тайёргарлиги ва ҳарбий малакани эгаллаш бўйича принципал жиҳатдан янги дастурларни жадал ишлаб чиқиш ва жорий этишни, қўмондонлик-штаб ва тезкор-тактик ўқув машқуларни ўтказишни тубдан қайта қўриб чиқиш талаб этилади.

Ҳарбий санъатни ўрганиш ва яна бир бор ўрганиш — бугунги кунда бу талаб армиямизни модернизация қилиш борасидаги барча ишларимизнинг энг муҳим таркибий қисми бўлиб қолмоқда.

**Учинчи.** Ҳарбий бошқарув тизимини жадаллаштириш, эҳтимол тутилган жанговар ҳаракатлар майдонининг ўзига хос шaroитда бутун мудофаа тизимида барча қўшин турларига қарашли қисм ва бўлиналар, вазирлик ва идораларнинг ҳарбий тузилмалари фаолиятини ўзаро мувофиқлаштириш, уларнинг аниқ ва бир ёқадан бош чиқариб ҳаракат қилишнинг таъминлаш бўйича бошлаган ишларимизни давом эттириш ва чуқурлаштириш муҳим аҳамиятға эға. Армиямизнинг давлат чегараларимизни ишончли қўриқлашға қодир бўлган, мамлакат мудофаа тизимидаги заиф нуқталарни ўз вақтида аниқлаб, уларнинг бартараф этилишини таъминлайдиган, ҳар томонлама пухта ташкил этилган механизм, бир сўз билан айтганда,

барча таркибий қисмлари ўзаро узвий боғланган ягона жанговар комплекс сифатида тўлақонли фаолият юритишиға эришиш гоят муҳим аҳамиятға эғади.

**Тўртинчи.** Офицер ва сержант кадрларни тайёрлаш, қайта тайёрлаш ва уларнинг малакасини ошириш, интеллектуал жиҳатдан етуқ, стратегик фикрлай оладиган офицер кадрлар, шунингдек, қўл остидаги бўлиналарни самарали бошқаришға, уларда соғлом ахлоқий-руҳий вазиятни сақлашға қодир профессионал сержантларни тайёрлайдиган ҳарбий билим юртлари ва сержантлар мактаблари фаолиятини замон талаблари ва стандартларини эътиборға олган ҳолда тубдан яхшилаш асосий вазифа бўлиб қолмоқда.

Қурол-яроғ ва техниканин замонавий турлари, қўшинларни бошқариш методлари, жанговар операцияларни амалга оширишнинг тактик усуллари, жанговар тайёргарлик ва тарбиявий ишлар дастурларини таҳриб ва синодан ўтказишда асосий база вазифасини бажарадиган ҳарбий билим юртлари Куролли Кучларимизнинг етакчи, бош ҳарбий-илмий марказларига айланиши даркор.

Шу мақсадда ҳарбий таълим муассасаларини зарур ҳарбий техника ва тренажёрлар билан жиҳозлашға, ўқув жараёнида замонавий педагогик, ахборот-коммуникация технологияларидан, моделлаштириш ва симуляция усулларидан фойдаланиш масалаларига ўта жиҳидий эътибор қаратиш зарур.

**Бешинчи.** Юртимизда 2010 йилнинг Барқамол авлод йили деб эълон қилиниши армиямизнинг ўзагини ташкил этадиган ёш офицерлар, сержантлар ва аскарлар ўртасида тарбиявий ишлар тизимини такомиллаштириш бўйича мамлакатимиз Куролли Кучларининг қўмондонлик ва бошлиқлар таркиби зиммасига янги, янада масъулятли вазифалар юқлайди.

Шу муносабат билан аскар, сержант ва офицерлар таркибининг хизматни ўташ ва яшаш жойларидаги ижтимоий-маиший шaroитларини изчил ва тизимли равишда яхшилаш, ҳарбий хизматчиларни уй-жой билан таъминлаш, ҳарбий шахарчаларни қуриш ва реконструкция қилиш, уларда энг замонавий талаб ва стандартларға жавоб берадиган барча қўлайликларни яратиш бўйича қабул қилинган давлат дастурларининг тўлиқ бажарилишиға алоҳида эътибор қаратиш лозим.

Куролли Кучларимизнинг олдиға қўйилган вазифаларни амалга ошириш мудофаа вазирлиги, Бирлашган штаб, бутун қўмондонлик таркибидан Ўзбекистон Республикаси Куролли Кучлари Олий Бош Қўмондонининг мамлакатимиз Куролли Кучлари ташкил этилганининг 18 йиллиги муносабати билан қабул қилинган Директивасида белгилаб берилган қоида ва кўрсатмаларни сўзсиз бажаришни талаб қилади.

Азиз дўстлар!

Бугунги қутлуг байрам кунида Куролли Кучларимиз сафларида хизматли муносиб тарзда ўтаётган ва захирадаги ҳарбийларға, барча Ватан ҳимоячиларига мурожаат қилар эканман, армиямиз Ватанимизнинг муқаддас сарҳадлари, халқимизнинг тинч ва осуда ҳаёти, мусаффо осмонимизнинг ишончли ҳимоясини таъминлашға қодир, деб қатъий ишонч билдираман.

Сизларни яна бир бор Ватан ҳимоячилари кунин билан чин қалбимдан табриқлайман!

Барчангизға сихат-саломатлик, бахт ва омад, хонадонларингизға файзу барақа тилайман!

Ислом КАРИМОВ,  
Ўзбекистон Республикаси  
Президенти,  
Куролли Кучлар  
Олий Бош Қўмондони

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

А.Т.Усмоновни Андижон вилоятининг ҳоқими этиб тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Андижон вилоят Кенгашининг қарорига мувофиқ: **Ахмад Тугулович Усмонов** Андижон вилоятининг ҳоқими этиб тайинлансин.

Ўзбекистон Республикаси Президенти И.КАРИМОВ

Тошкент шаҳри, 2010 йил 14 январь

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

С.У.Исмаиловни Жиззах вилоятининг ҳоқими этиб тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Жиззах вилоят Кенгашининг қарорига мувофиқ: **Сайфиддин Умарович Исмаилов** Жиззах вилоятининг ҳоқими этиб тайинлансин.

Ўзбекистон Республикаси Президенти И.КАРИМОВ

Тошкент шаҳри, 2010 йил 14 январь

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

С.К.Хусеновни Бухоро вилоятининг ҳоқими этиб тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Бухоро вилоят Кенгашининг қарорига мувофиқ: **Самойдин Касимович Хусенов** Бухоро вилоятининг ҳоқими этиб тайинлансин.

Ўзбекистон Республикаси Президенти И.КАРИМОВ

Тошкент шаҳри, 2010 йил 14 январь

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

Н.Зайниевни Қашқадарё вилоятининг ҳоқими этиб тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Қашқадарё вилоят Кенгашининг қарорига мувофиқ: **Нуритдин Зайниев** Қашқадарё вилоятининг ҳоқими этиб тайинлансин.

Ўзбекистон Республикаси Президенти И.КАРИМОВ

Тошкент шаҳри, 2010 йил 14 январь

Юртимизнинг қудратли қалқонлари



ЎЗБЕКИСТОН ПАРЛАМЕНТИ ҚОНУНЧИЛИК ПАЛАТАСИГА САЙЛОВ ЯҚУНЛАНДИ



12 январь кунин Ўзбекистон Республикаси Марказий сайлов комиссиясининг мажлиси бўлиб ўтди. Мах-

лиси Комиссия раиси М.Абдусаломов бошқарди. «Ўзбекистон Республикаси Олий Мажлисиға сайлов тўғрисида»ги Ўзбекистон Республикаси қонунининг 11-ва 48-моддаларига мувофиқ, мажлисда 39 та сайлов округида ўтказилган такрорий овоз бериш яқунларини ҳисобға олган ҳолда мамлакат парламенти Қонунчилик палатасига сайлов яқунлари

қўриб чиқилди. Марказий сайлов комиссиясиға тақдим этилган округ сайлов комиссияларининг такрорий овоз бериш яқунлари ҳақидаги баённомалари асосида Ўзбекистон Республикаси Олий Мажлиси Қонунчилик палатасининг 39 нафар депутаты рўйхатға олинди. Шу тарика 135 та сайлов округининг барчасида Ўзбекистон Республикаси

Олий Мажлиси Қонунчилик палатасига депутатлар сайлови яқунланди. Марказий сайлов комиссиясининг такрорий овоз бериш жараёнида сайланган Ўзбекистон Республикаси Олий Мажлиси Қонунчилик палатасининг 39 депутатини рўйхатға олиш тўғрисидаги қарори матбуотда эълон қилинди.

(Давоми 2-бетда.)

ЯНГИЛИКЛАР, ВОҚЕАЛАР, ХАВАРЛАР

«2010 йил — Барқамол авлод йили»да бу хайрли ишнинг кўламини янада ортади. Бунинг учун вилоят бўйича маҳаллий бюджет ҳисобидан 1,2 миллиард сўм маблағ ажратилиши белгиланган.

«2010 йил — Барқамол авлод йили»да бу хайрли ишнинг кўламини янада ортади. Бунинг учун вилоят бўйича маҳаллий бюджет ҳисобидан 1,2 миллиард сўм маблағ ажратилиши белгиланган.



Қарор ва ижро

ЭЛ ФАРОВОНЛИГИ МАНБАИ

ёхуд кейинги йилларда гўшт ва сут маҳсулотлари нарх-навоси арзонлашиб бораётганининг сири нимада?

Мамлакатимиз аҳолисининг олтимиш фоиздан ортиги қишлоқ жойларда яшаётганлиги боис қишлоқ инфратузилмасини яхшилаш ва бу орқали аҳолининг фаровонлигини таъминлашга асосий эътибор қаратиб келинмоқда. Бунинг учун эса кўплаб қарорлар қабул қилинди, дастурлар ишлаб чиқилди. Мамлакат миқёсида амалга оширилган амалий ишлар самараси ўларок, бугун қишлоқларимиз қиёфаси тубдан ўзгарди. Шу билан бир қаторда қишлоқ аҳолисининг турмуш даражаси ва даромадлари ҳам кун сайин ортиб бормоқда.

Президентимиз Ислам Каримовнинг 2008 йил 21 апрелдаги "Шахсий ёрдамчи, деҳқон ва фермер хўжалиқларида чорва молларини кўпайтиришни рағбатлантиришни кучайтириш ҳамда чорвачилик маҳсулотларини ишлаб чиқаришни кенгайтириш борасидаги қўшимча чоратadbирлар тўғрисида"ги қарори бу борада амалга оширилаётган ишларнинг узвий давоми бўлди.

Қарор ижроси юзасидан жой-

ларда ташкил этилган минглаб омухта ем, шрот ва шелуха сотиш шаҳобчаларида аҳолига арзон ва сифатли ем маҳсулотлари етказиб бериш йўлга қўйилди. Бу кутилгандан ҳам яхши самара бериб, қишлоқ жойларда аҳолининг иш билан таъминланишига ҳисса қўшиш билан бирга гўшт ва сут маҳсулотларининг нарх-навосини бир маромда ушлаб турилишига, арзонлаштирилишига замин яратди.

Тошкент вилоятида ҳам омухта ем, шрот ва шелуха сотишга ихтисослашган туман ва шаҳар бирлашмалари ҳамда улар қошида 198 та савдо шаҳобчалари ишлаб турибди. Айниқса, Қибрай, Бўстонлик, Юқоричирчик, Покент, Бўка, Янгийўл туманларида ташкил этилган ихтисослаштирилган бирлашма ва уларнинг шаҳобчалари эл фаровонлигини оширишда кўпчиликка ибрат бўларли ишларни амалга оширмоқда.

— Янги соҳа кўлами янада ортиб бормоқда ва бу жамиятимиз ҳаётида алоҳида аҳамият касб этади, — дейди Тошкент вилояти чорва озуқа бош бирлашмаси директори Саидислом Сайдулла-

ев, биз билан суҳбатда. — Яқин йилларда чорвачиликка шунчалик эътибор бўлишини ҳеч ким тасаввурига ҳам сиғдирма олмас эди. Юртбошимизнинг узокни кўзлаб, чиқарган мазкур қарори эл фаровонлигини оширишда янги омилларни юзага келтирди. Чорвачилик ривожига йўл очди. Эл маъмурчилиги манбаига айланди. Қарорнинг беқеёс аҳамияти боис бугун шаҳар ва туман марказларини қўйинг, ҳатто вилоятнинг чекка қишлоқларида ҳам аҳолига ем маҳсулотлари етказиб берувчи шаҳобчалар ишлаб турибди ва уларнинг фаолият доираси тобора такомиллашиб бормоқда. Мазкур шаҳобчалар орқали чорвачилик билан шуғулланаётган аҳоли ва фермерларга биргина ўтган йилнинг ўзида 76 минг 811 тонна ем маҳсулотлари етказиб берилди. Эндиликда фаолиятимиз кўламини янада кенгайтириш, кучли озуқа маҳсулотларининг арзонлиги туфайли ишлаб чиқараётган гўшт ва сут маҳсулотларимизнинг таннархини шунга яраша белгиламоқдамиз. Шу билан бирга ихтисослаштирилган бирлашма

ташкил этдик. Унинг қошида 4 та шаҳобча иш бошлади. Айни пайтда бу ерда биз етказиб бераётган маҳсулотларга эҳтиёжнинг ортиб бораётгани кувонарлидир. Жорий йилнинг биринчи чорагида яна 2 та шаҳарда бирлашма ва унинг шаҳобчаларини ишга туширишга ҳаракат қилаяпмиз.

— Мазкур қарор яратиб берган кенг имкониятлар туфайли бугун фермер хўжалигимиз ҳисобидан чорва моллари сони 600 бошдан ошиб кетди, — дейди Покент туманидаги "Зийда" чорвачилик фермер хўжалиги раиси А.Ражабов. — Бу эса маҳсулотларимизнинг харидорлигини таъминлашга йўл очмоқда. Келгусида фаолиятимизни янада кенгайтириб, гўшт ва сут маҳсулотларини қайта ишлаб, тайёр маҳсулот ишлаб чиқарадиган мини цехлар ташкил этишни режалаштирганмиз.

Дарвоқе, вилоятда паррандачилиги ва балиқчилик соҳаларини ривожлантириш борасида ҳам ибрат бўларли ишлар амалга оширилмоқдаки, бу аҳоли фаровонлигини таъминлашга улкан ҳисса қўшади, албатта.

Бахтёр ТОШНАЗАРОВ, "Adolat" мухбири.



Денгиз сатҳидан 4436 метр баландликда...

Тибетнинг Нагчу округида денгиз сатҳидан энг юқори баландликдаги аэропорт қурилади. Бу ҳақда хориж оммавий ахборот воситалари Хитой фуқаролик авиацияси бошқармасининг Тибет бўлими маълумотларига асосан хабар тарқатган.




Маълумотларга кўра, денгиз сатҳидан 4436 метр баландликда жойлашадиган мазкур аэропорт қурилиши 2011 йили бошланиб, 3 йил давом этади. Аэропорт 266 гектар майдонни эгаллайди. Унинг қурилишига 1,8 миллиард юан (263 миллион АҚШ доллари) миқдорда маблағ сарфланади.

Айни пайтда дунёдаги "энг баланд" аэропорт ҳам Тибетда жойлашган. Чамдо округидаги ушбу аэропорт "Бамда" деб номланади. Янги аэропортнинг "буйи" эса ундан 102 метр баланд бўлади.

Қалбаки купюралар


Ўтган йили Германияда муомаладаги қалбаки купюралар миқдори салкам ўттиз фоизга кўпайган. Мамлакат Федераль банкнинг тасдиқлашича, 2009 йилда 52500 та сохта евро банкнотининг сохталиги аниқланган, йўқ қилинган.



Қалбакифурушлар ўтган йили асосан 50 евролик пулларни "ишлаб" чиқаришган. Бошқача айтганда, ҳар иккита қалбаки евронинг биттаси "элликталик" бўлиб чиққан. Аввалги йилларда 100 ва 200 евролик сохта банкнотлар муомалага киритилган эди. Шу сабабли ҳам бу ноқонуний фаолиятдан кўрилган зарар миқдори бирмунча пасайган. Шунингдек, ўтган йили 2008 йилга нисбатан сохта танга пулларнинг сони камайиши кузатишган. Аниқроғи, ўтган йили қалбаки тангалар 1,5 мингтага камайган.

Зилзила оқибатлари

Reuters ахборот агентлигининг хабари беришича, Гаитида 12 январдан 13 январга ўтар кечаси ер қўмирилиши руй берган. Сейсмологлар зилзила кучини 7-7,3 балл деб баҳолашмоқда.



Маркази мамлакат пойтахти — Порт-о-Пренс шаҳридан 16 километр жанубий ғарбда жойлашган зилзила оқибатида мамлакат пойтахти жиддий талофат кўрган. Айниқса, БМТ ва Жаҳон банки, турли меҳмонхоналар ва шифохоналар, шунингдек, президент саройи биноларига жиддий зарар етган.

Айни чоғда АҚШ ва Буюк Британия Гаитига маҳаллий аҳолига ёрдам кўрсатиш учун кўчарувчилар гуруҳларини юборган. Шу билан бирга, мамлакатга Испания ва Мексика, Сальвадор, Панама, Доминикан Республикаси каби мамлакатлардан инсонпарварлик ёрдамлари келмоқда.

Кореяда "Олимплар шаҳри" қурилади

Жанубий Кореяда мамлакатнинг илмий маркази — "олимплар шаҳри" бунёд этилади. Сечжон Сити деб юритиладиган ушбу янги шаҳар қурилиши учун 14,6 миллиард АҚШ доллари миқдорда маблағ ажратилиши кўзда тутилган.

"Олимплар шаҳри" Сеулдан 150 километр жанубий узоқликда қад ростилади. Мамлакат ҳукумати вакилларининг таъкидлашларича, яна ўн йилдан сўнг — 2020 йилга келиб Сечжон Сити шаҳрида қарийб 500 минг нафар аҳоли истиқомат қилади. Ушбу аҳолининг 246 минг нафари мўжам иш ўринлари билан таъминланади. Қолаверса, Сечжонда кўплаб илмий тадқиқот муассасалари ва тиббий клиникалар ҳамда фирмалар иш бошлайди.

Шунингдек, Жанубий Кореянинг Samsung, Hanwha, Woongjin и Lotte Group сингари йирик компаниялари бўлгуси янги шаҳарга ўз филиалларини кўчириш тўғрисида битим имзолашган. Шунга кўра, масалан, Samsung компанияси Сечжонда корхоналар қуриш учун ўз маблағлари ҳисобидан 2,05 триллион вон ажратади. Hanwha эса лойиҳага 1,33 триллион вон миқдордаги маблағни молиялаштириш ниятида.

Интернет хабарлари асосида тайёрланди.

«САМАРҚАНДПАХТАСАНОАТ» ҳудудий акциядорлик бирлашмаси жамоаси

Ватан озодлиги, эл-юрт тинчлиги ва осойишталигини ҳимоя қилишдек шарафли ҳамда масъулиятли ишни амалга ошираётган, сарҳадларимиз дахлсизлигини таъминлаётган ҳарбий хизматчиларни

14 январь — Ватан ҳимоячилари куни билан самимий муборакбод этади.

Юртимиз тинч осмонимиз мусаффо бўлсин!



2010 йил — Халқаро Биохилмаҳиллик йили

ТАБИАТНИ АСРАШ БУРЧИМИЗ

Бирлашган Миллатлар Ташкилати 2010 йилни "Халқаро Биохилмаҳиллик йили" деб эълон қилганидан хабарингиз бўлса керак. БМТ шу тарихда табиатни муҳофаза қилишга ва сайёрамиз табиатидан оқилона фойдаланишга, унинг қимматбаҳо иншоотларини ҳимоя қилиш ҳамда табиат экотизимини сақлаб қолишда кучларни бирлаштиришга чорламоқда.



Зеро, тоза ичимлик суви ва энергетика ресурсларини ҳаддан ташқари исроф қилиш, ўрмонларни оммавий равишда кесиб каби "ишлари" билан одамзот атроф-муҳитга халокатли таъсир кўрсатмоқда ва бу ўз ўрнида биологик хилмаҳилликнинг қисқаришига (камайишига) олиб келмоқда. Ҳозирги кунга келиб, 7 мингдан ортиқ ҳайвонлар, 60 мингга яқин ўсимликлар турларининг йўқолиб кетиши хавфи маъжуд.

2010 йилни "Халқаро Биохилмаҳиллик йили" деб номлангани БМТ Бош ассамблеясининг 2006 йил 20 декабрдаги резолюциясига

мувофиқ қабул қилинган. 2008 йилнинг 19 декабрда эса Бош ассамблея барча давлатлар аъзоларига ушбу халқаро йилни ўтказиш

учун миллий қўмиталар тузиш ва барча халқаро ташкилотларга ушбу ишга бош қўшишларини тавсия этган.

Минтақамиздаги экологик вазиятни юмшатиш, Орол фожиаси билан боғлиқ нохуш ҳолатларнинг олдини олиш мақсадида 2009 йилнинг апрель ойида Юртбошимиз бошчилигидаги делегация Қирғизистонга давлат ташрифи уюштириб, қўшни давлатлар раҳбарлари иштирокида мазкур масала юзасидан ҳам келишиб олдилар. Ҳозир республикамизда Табиатни муҳофаза қилиш Давлат қўмитаси фаолият кўрсатиб келмоқда. Бугунги кунда Ўзбекистон Экологик ҳаракати ҳам мамлакатда экология ва атроф-муҳитни муҳофаза қилиш, инсон саломатлигини сақлаш каби масалалар билан изчил шуғулланмоқда. Мазкур ҳаракатдан 15 нафар вакил Олий Мажлис Қонунчилик палатаси депутатлигига сайланганининг ўзидек табиат, экология муаммолари бугунги кунда нечоғли долзарблигини ёрқин кўрсатиб турибди.

Ботир ҲАМИДОВ, Тошкент Давлат Ҳимодийёт университети талабаси.

ЯХШИЛАР ЁДИ — БАРҲАЁТ

Донишмандлар инсон ҳаётини вақт мезони билан эмас, унинг умри давомида қилган яхшиликлари билан ўлчашади. Уларни эслаш, хотирасини ёд этишининг ўзи кишида эзгулик туйғуларини уйғотади. Аҳмад Сайдалиевнинг ҳаёт йўли ҳам бунга бир мисол.

Аҳмад ака ўрта мактабни тугатгач, 1947 йили Тошкент медицина институтининг педиатрия факультетига ўқишга қабул қилинди. Таҳсилни аспирантурада давом эттирди, номзодлик диссертациясини ёқлади. 1956 йилда Тошкент медицина институти клиникасининг Тезкор хирургия ва топографик кафедрасига ассистент лавозимига ишга қабул қилинди. 1969 йилда докторлик диссертациясини ёқлаб, профессорлик унвонини олди. 1977 йилдан

умрининг охиригача мазкур институтнинг болалар хирургияси кафедрасида кафедра мудири лавозимда ишлади.

Аҳмад ака турмуш ўртоғи Мақсуда ая билан беш фарзандни тарбиялаб вояга етказди. Ўғиллари Дилшод ва Улуғбек инженерлик касбининг этагидан тутишган. Қизлари — Гузал, Гулноза, Шаҳнозалар эса ота изидан боришган. Улар айни пайтда кўз касалликлари шифокори.

— Устозимиз ишга ҳали тонг ёришмасдан келиб, энг аввало, оғир беморлар ҳолидан хабар олардилар, — дейди шогирдларидан бири, Республика шохилинч тиббий ёрдам илмий марказининг болалар хирургияси бўлими мудири Фахриддин Ходжиметов. — Беморларнинг кўзидаги хурсандчилигини, соғайиб, чиққани-

дан сўнг юзида табассум билан биздан миннатдор бўлишларини кўрсам, менга шу кифоя, дердилар. Бир куни шифохонага оғир аҳволдаги болани олиб келишди. Тақдир тақозоси билан устозимизнинг оёғи синиб, уйда даволанаётган эди. Маслаҳат олмакчи бўлиб, телефон қилгандик, қутилмаганди устознинг ўзи шифохонага етиб елди. Оёғи гипс, боз устига қўлтиқтаёқда. Шунинг ўзи бизга катта масъулият оқлаб, операцияни қутилгандан ҳам муваффақиятли амалга ошириш имконини берди.

Дарҳақиқат, яхшилар ёди — барҳаёт. Аҳмад Сайдалиевнинг эзгу амалларини қадрлаб, ханузгача шогирдлари, унинг қўлидан шифо толган беморлар устозни хотирлашни қанда қилишмайди.

Яҳё НАБИЕВ.

